

少年白皙何事來下烟波釣筒一掩一重山碧春來春去
花紅

綺堂先生請假南還用東坡送仲元貺王元直韻作
五詩奉送并索和章時癸未十一月朔後四日

浮盃漱灑欲別執手殷勤有言試問一枝棲託何如萬里
飛鸞

扁舟東下吳會獨夜一篷雪來嘔啞柔艣人靜欸乃漁歌
夢回

何異登仙此行非關久厭承明慈母手中綵線佳兒膝下
書聲

懷清堂集
卷十
杜鵑勸我歸去已是遲君一年
它日追思前會九門風雪
依然

行投林下征鞅寄謝山中故人
看花蹋月沽酒莫負湖邊
好春

懷清堂集卷十

懷清堂集卷十一

仁和湯右曾西厓

寒雲寺

寂寞寒雲寺雲來特地寒
壞墻塵自合老柏榦皆攢
廚欲分香飯天教趁冷官
貝多真實語只道汝心安

修武道中

懷舊山陽里天高落木空
覆盃巖石上吹笛竹林中
寂寞人埋照昂藏鶴入籠
達生差可託嵇阮此遺風

次新城先生韻題王秋史二十四泉草堂圖

七十二泉上家泉望水泉

泉名

由來著書地不記種松年世

外三畝宅山南一朵烟詩人好鄰並白雪舊樓前

城南校射荅趙豐原太守卽用見貽原韻

龍門雪將下先集乃維霰如山卷牘空靜若僧退院城南

關廣場農功出餘美旗門好身手文雅事一變前臨三池

上定水花幾瓣

城南景明寺有二池邢子才碑文云金花映日又云信徒法侶持花成藪

回頭

洛陽塵烽火憶苦戰吾曹太平日弔古如夢電風雅得使

君才具當八面拊髀思頗牧詎不在鄉縣富貴大槩耳士

取意所便寧必老書生兀兀破萬卷相對共一笑斗酒且

懽宴

贈王孟穀疊前韻

歲寒青松枝百尺飽霜霰佳人紈扇曲淒斷涼葉院先生
包古言如賈三倍羨蓬萊清淺水幾閱市朝變寒來青芙
蓉一一手中瓣如何老驥伏不令猛士戰會當灑天瓢玉
女開笑電今朝風雪夜燈火故人面嵩陽尋舊師百里阻
山縣且畱訪伊闕快馬短衣便石脉散淙流韋郎舊吟卷
相期二三子攜手共游宴

送王秋史再疊前韻

洛城三日雪庭宇復飛霰子抱卓犖才不歸學士院來言
不得意買田思陽羨論道阻江湖坐看浮雲變家鄰華不
注天際青一瓣抱此靜者心不問蠻觸戰昨試禮部作迅

速走驚電暗中識光芒
予在禮闈最後得秋史卷素亦不相識也
將規讀書處不少山水縣子其慎自持獄市視民便文章
經國事撐拄五千卷終期賡猗那言從柏梁宴

歲暮感懷三疊前韻

迫茲歲晏晨撼撼響風霰憶彼少年日陰陰宿花院來者
詎得知往者徒可羨雕鐫肝腎竭顛顚齒髮變天寒除架
日瓜摘無畱辦嚴霜一以零不救脫葉戰欲尋三乘法機
鋒擬掣電不爾入醉鄉臘甕撥醅面文章差底病那用驚
九縣甘思腊腴美煖想腰脚便亦有小兒郎之無甫開卷
春盤猶可及歸覓團園宴

趙豐原太守招遊龍門香山竟日倣樂天體

賓游聯騎出城闌山水佳時氣色新
底用清商隨一部不須明月作三人
餘霞似綺連嵩少殘雪如花舞洛濱
多謝風流賢太守十分先借水邊春

香山泉上懷韋蘇州

韋郎昔著書暇從山水遊永日未能去
愛茲泉上幽泉水至今碧漾漾寒藻浮
靈液冬不枯煦若春和柔夕潭漱彩翠
散綴明珠稠涵虛本同源潤物或殊流
感此悟物理喟焉思前脩臨池兩嘉樹
樹老枝相樛攀條爲泫然斯人邈難求
大海粟一顆終古貉一丘不知後視今
感歎有此不

石樓灘

積鐵山幽幽濺波石齒齒不見樓上人時聞灘下水

洛中絕句

南北由來嗜好殊幽人風味不全孤玉川三百團團月一字何曾道酪奴

庾郎鮭菜二十七嗤點何來李令公洛鯉伊魴非俊味白

頭韭出客盤中

志稱洛韭至美果然

屠兒割肉妓兒繩敏捷當時甄李能何事江南老常侍只將片石說韓陵

土馬并州劇亂麻淨宮堯率洗鉛華洛川多少興亡恨惆

悵年年楊白花

微君之故乃泥中婢亦知詩似鄭公不解雙聲定何語冠
軍家自有春風

南園池館久飛灰將相功名何有哉三十六峯雲雪路只

應招鶴更歸來

裴晉公有南園靜興詩

子粒芒紅撿按頻兩京薄產事艱辛將書苦憶東屯老伊

闕年年有好春

香山寺裏畱遺集盃酒何如身後名今日橋紅沙白路一

篇長恨舊風情

龍門雪下有佳期車馬漸漸水上遲但使都廳遺事在未

懶清堂集
卷二
四
嫌歐尹不同時

破垣遺竈天王院陰雨元功剩幾家歌管層層春處處夢
中猶看洛陽花

除夕奚里鋪

雲林入幽處煙火半巖間家飲洛川水門臨少室山祝雞
翁寂寂飲鶴澗潺潺今夜是何夕翛然心更閒

黑石渡

昨從邨山來今從邨山去邨山朽骨萬萬古惟有行人朝
復暮黃金蝕盡白石爛螻蟻三泉尚知處我來欲酹酒一
盃落日荒荒下前渡

元日發鞏縣

看山四面碧嶙峋且免車中邑邑人殘雪未消前度臘寒
梅已帶乍回春老知時節心情減閒覺風花景物新二十
年來兩元日天門頂上洛河濱

丁丑元日舟次白沙村登天門山絕頂

過虎牢關風日晴美

關門設險笑徒勞絕壁緣雲舊虎牢黑色小兒空百戰也
從洛口塞成臯

纔言今日已春還春在融融冶冶間柳意漸蘇波漸活東

風先上虎牢關

關上有清泉夾植楊柳

須水店壁有題句云風滿山頭月滿城坐深衣袂覺

秋生何人解識吟蛩語此是江南露下聲後三語
絕佳不知誰作也依韻一首

遙知木葉下秋城七字吟來太瘦生最是水天涼月夜人
間惆悵子絃聲

元夜在汴城偶念孟元老所記東京燈火之盛感慨
係之雜成斷句

春波細細縠紋生歌扇飄殘宛轉聲帝子不傳新樂府詞
人空說舊東京

從教百戲幻魚龍花陣香山幾萬重九十尺連青漢起可

能畱得最高峯

艮嶽有一峯景
高至九十尺

千枝萬影朶樓開一道銀河瀉露臺天上忽飛金鳳下雲
中時看玉龍廻

兩行綺陌界朱杈燈火三更夜市譁月到五樓明似水一
重縹瓦一蓮花

重添兩夜試燈期猶說錢王納土時鶉鴒旋中光眩轉路
人爭踏五花兒

萬歲山前望貢雲香中百和最氤氲遊蜂冶蝶非時見先
繞雙奴玉線裙

宣和間汴京元夜
有使喚蜂蝶之術

蕭條相國寺如村指點菩提葉葉翻誰信當時正月半

范石

湖詩夜夜長
如正月半

綠牕朱戶盡歡門

王傅宅邊春月皎太師橋畔午風和

劉子暈汴京紀事詩
夜月池臺王傅宅春

風楊柳

試教點檢蜂兒看黃雀披綿有幾多

蔡京點檢蜂
兒見在數目

有三十七秤王黼盛時
庫中黃雀鮮積屋二楹

窠石空畱四畫圖赦書着脚語何愚烏犀白玉煩縋裏重
入思陵卷軸無

水底鞦韆水上舟試燈纔罷又春遊紀聞南燼稗官筆風
雨移州夢汴州

郊縣阻雪不得謁蘇公墓

江河萬古會同流天半峨眉汝水頭長恨身官坐磨竭空
懷歸計老菟裘黨人遺籍悲他日瘴海餘生盡此州蘋藻

墓門思一拜亂山風雪閉松楸

遊風穴寺

爲愛連峯好連峯窈窕間清泠風出穴曲折寺藏山翠柏
陰皆合叢篁密不刪門生傍籃輦應識老夫閑

喜公池

喜公池上坐竹裏暗泉聞細脉中峯落淙流下界分半規
如得月一縷欲生雲萬箇簷簷外翛然鸞鶴羣

墻角杏花

長紅小白態交加一隊春中五杏花他日東風夢臨汝鶯
鶯燕燕各天涯

風穴

萬竅忽怒號林摧巨石走太虛只一噫盛自土囊口我嘗
笑斯語索之無何有茲焉乘風颺絕頂延佇久言尋萬古
穴橐籥落吾手奇踪目親擊虛牝神所守何必天西南仇
池九十九蕭梢如欲起先已在跟肘應蘇久沈疾乍醒初
中酒下山憇茅菴絕境屢回首歸駕豈免促平生覺多負
蘭臺快哉雄歌舞樂速朽泠然北窻下輸爾山中叟

柳湖用東坡寄子由韻

邱上那復更有邱爾雅誤讀笑刻舟宛中宛宛一湖水坐
覺寒碧生船頭一生拍浮此便足何必鼎食羅珍羞家在

江湖狎漁釣舟居陸處知誰優扣舷似汎溟漲濶浮芥便

作坳堂遊天公寒暖提一律喫雨占晴定何術昨來蛺蝶

飛作團今去黃蜂釀成蜜空餘隄柳絮翻撲誰信山茶榦

蟠屈

子由有詠開元寺山茶詩

浮世眠食功與勞休論奴僕今旌旄宛

邱先生讀書處美酒飲罷餘離騷我衰學廢瓶罍恥馬肆

還來持尺筆差勝六年言責地終日一談惟唯唯食甥萬

事寧復知蠟屐此生當著幾文書堆案日有程樂哉此舉

非無名

時以校射出郭

沿湖一葉恣來去矯翼沙鷗箇箇輕

子由讀書臺

銅狄摩挲五百年旱湖幾尺水生烟鷗邊莫笑舟如葉門